

صاحبی ، مدیری ، محرری :



آبونه بدلی :

سنه لکی ۱۰۰ غروش

آتی آیلنی ۵۰ »

اوج آیلنی ۲۵ »

مخبر

۱۳۳۸

اداره خانه بی :

شهرزاده باشنده (تعالی اسلام)

جمعیتی مرکز عمومی

مرکز توزیعی :

باب عالی جاده سنده (اتحاد

تجارت) کتبخانه بی

اسلامک نفقنه خادم مقالات

مع التشر قبول و درج اولونور

یازانک شخصیتی دکل : یازانک احمیتی
نظر دفته آلینیر .

دینی ، علمی ، ادبی ، اجتماعی و شیمیائی شهری

مجموعه اسلامیه

کان یازیلردن شایان قبول کورولنار تاریخ
صیراسیله درج اولونور .

عدد : ۷

۱۳۳۹ جمادی الاولی سنه مخصوص نسخه

فی ۷ بوجوق غروش

مندرجات :

- مخبر دینی و علمی : دارالشفقه به معاونتک لزومی - طاهر المولوی . اجتماع و دین اسلامی عصریاشدیرمک - محمد عاطف .
- غریبک روح حقنده کی تلقیاتی - احمد حمدی . براز انصاف ایتسه لر - نیازی فیروزی .
- مخبر تاریخی : جمادی الاولی والآخره - طاهر المولوی . عالم اسلامده خاندان علم و معرفت - محمد عزت و محمد عارف .
- مستجابی زاده عصمت بک - سعود المولوی .
- مخبر فنی : علم هیئتک مبدای - سعدی .
- مخبر ادبی : مناجات - یشار شادی . مرثیه - یشار شادی . ای جلوه لی سنجاق - سعود المولوی . برغزل - طاهر المولوی .
- علاوه : هند ماصالری .

لغت ناجی ؛ بوتریکیرك ایضا حنده :

« جادی الآخرة ، جادی الاولی [۱] معروف ایکی آی .
(جادی الآخر) (جادی الاول) صورتلرنده استعماللاری
غلطدر . بونلره (جادی) اطلاقنه سبب ؛ هنگام تسمیه ده
عربستانده انجماد وقومی ، یعنی یاغورسزلقدن قایناقلرک
قوروماسیدر ، دییور .

(اختری) مرحوم ده :

« الجماد : بالفتح جاسز وقورومش اولق ویغور یتمشدک
یر وشول بیل که آنده یغور اولیه ، سنه جماد دیرلر . ومنه
جادی الاولی و جادی الآخرة بفتح الدال فیها ، دیهرک ابتدایی
مضموم بولونان (جادی) کلیمه سنی (جماد) لفظندن
کتیروب مفتوح البدایه اولدیغنی سویلیورسه ده یاکیلیور .
چونکه : امهات کتب لغت ؛ بونلرک ضم جیم ایله
باشلا دیغنی خبر ویریور . مثلاً (وانقولی)

« الجادی الاولی و الجادی الآخرة : جیمک ضمی ودالک
فتحی و الف مقصوره ایله فعالی وزننده معروف آیلرک اسمیدر .
جمدن مأخوذدر ، معلوماتی ، قاموس ترجمه سی ایسه
« جادی : جاری [۲] وزننده شهر عربیه اسملرننددر ،
ایکی آیدر . بری جادی الاولی ، بری جادی الآخرة در .
وبومعرفه ومؤشدرکه غیر منصرفدر . جمی جادیات کلور .
قبل الاسلام جادی الاولیه (جادی خمس) و جادی الآخرة
(جادی سته) دیرلر ایدی ، محمدن بشنجی و آلتنجی آی
اولق حسیله . وقت اسلامده (اولی) و (آخرة) یه تبدیل
اولندی »

تفصیلاتی ویریور .

عبد عاجزده ۱۳۱۲ سنه هجریه سی ایچنده یکی قایی
مولویخانه سی شیخ آکاهی مرحوم محمد جلال الدین افندی
حضرتلرینه بالانابه طریق جلیل مولوی یه انتسابه تاریخ
اولق اوزره یازدیغ :

بیك اوچ یوز اون ایکی سالی جادی الآخرة ایچره

جینسای دخالت اولدی طاهر باب ملایه

الهی لطف واحسانکله اول جوینده فیضک

کلاه بیعتی همایه اولسون عرش اعلایه

[۲] جاری : حانک ضمیمه در .

دائمه ایچنده ادامه حیاته چالیشان حقوقشناسلر ... برآز
انصاف ایتسهرلر !.. اوزلرینی ، سوزلرینه اویدورسهرلر !.
یاخود سوزلرینی ؛ اوزلرینه کوره سویلسهرلر ... افراده ،
میلترده برآز رفاه وسعدت یوزی کورسه ؟ ... فقط .
هیاهات !..

صدق مقالزه شاهد ایستیان ؛ انسانلرک احواله
دقتلیجه باقسین ! مثلاً : قواعد صحیه نک ؛ عمر عزیزینی - اجل
موعودینه قدر - مرفهاً ادامه ایده جکینی بیلن برانسان ؛
ینه « ام الحباثت » اولان مشروبات کتولیه ایله معصوم
معهده سنه قدح ، قدح زهر آتار ! ویریلان نصایحی نظر
استخفاف ایله قارشیلار . تخریب ایتدیکی وجودینی ، اجرا
ایلدیکی جرمی کوره من !..

زواللی بشر : زمزمه نظریات ایچنده بوغولور طورور .
« العدل اساس الملك » دستور جلیله توفیق حرکت
ایلدیکجه ؛ مشکلات حاضره عالمدن هیچ بر مسئله حل
ایدلش صایله ماز ، قانون عدالته عرض اقیقاد ایتیان
هر حکم ، محکوم زوالدر . بناء علیه قاضی ده ، افراده
استراحت یوزی کوره من .

۱۸ کانون اول ۱۳۳۶ نیازی فیروزی

سید

محفل تاریخی

جادی الاولی و الآخرة

اصطلاح نسوانده (بویوک توبه) ، (کوچک توبه)
ده نیان [۱] لسان تکلمدن (جادی الاول) و (جادی
الآخر) دییه ایشیدیلان (جادی الاولی و الآخرة) دن
برنجیسی حلول ایتدی .

[۱] اسکی قادیلر ؛ عربی آیلرینی - محمدن باشلامق
اوزره - شویله صایارلردی :

عاشوره ، صفر ، بویوک مولود ، کوچوک مولود ، بویوک
توبه ، کوچوک توبه ، رجب ، شعبان ، رمضان ، شکر
بایرامی ، آراتی ، قربان بایرامی .

قطعه سنده - موضوع بحث اولان - شهر قرینک اسمنی طوغزو یازمشم .

ینه قاموس ترجمه سی (جمادی) آیلرینک سبب تسمیه سی « سلفده شهر ائنا هشرک برر اسملری واردی . نته که جمادی الاولی (حنین) و آخره (ربی) ایله مسما ایدی ... دفعه ثانیه ده اسمانی شهر وضعی مراد ایلرلیله اول هنگامده اسماک سماءبیلله انجماد عیون وقوع نما اولقله شهرین مذکورینه جمادی اطلاق ایلدیلر »

صورتنده توضیح ایدیور .

احمد و فیک پاشا مرحومده (لهجه عثمانی) سنک جلد اولنده « جمادی الاول اس . جا . ه . عوام زبازدی ذم صره سنده اول ، اوائل احوال معاشنه کنایه . بن آنک جمادی الاولی بیلورم : اصلنی ، اوائلنی « دینور . پاشانک (جا . ن) شیفره سی ؛ لهجه نك (جا) کله سنه نظر اولونه دیمکدر . او کله یه باقدیغمزده شوسطرلری کورورز : « جا جمادی الاولیه اشارتدر . زبازدی جمادی الاول . آنک جمادی الاولی بیلورم : برینک اصلی فرومایه اولدیفته ایما » اوت . (جا) حرفلری ؛ محررات وتذا کره تاریخ وضعنده اختصاره رعایه جمادی الاولیه اشارت اولوق اوزره قولانیلیردی . نته کیم (ج) جمادی الآخریه دلالت ایدردی [۳]

پاشانک بحث ایتدیکی « جمادی الاولی بیلیم ، کنایه سنه کلنجه بونک منشائی اولوق اوزره شویله بر فقره نقل اولونور :

دوسیه اصولنک تطبیقنه قدر اقلام دولته هر آیه [۳] عربی آیلره اشارت اولوق اوزره شو حرفلر قولانیلیردی : م = محرم . ص = صفر . را = ربیع الاول . ر = ربیع الآخر . جا = جمادی الاولی . ج = جمادی الآخره . ب = رجب . ش = شعبان . ن = رمضان . ل = شوال . ذا = ذی القعدة . ذ = ذی الحجه .

برده (مصر) (رجج) (رشن) (لذذ) شیفره لری واردی که وقتیه معاش دیمک اولان و اوچ آیده برچیقان (علوفه) نک محرمده اعتباراً بهر اوچ آیک اسملرنده کی انلک حرفلردن متشکل اولوب اوچر آیلوق تقسیط نامی اولوق اوزره استعمال ایدیلیردی .

مخصوص اوراقی برطوربایه طولدورمق صورتیه حفظ ایدرلر ، طوربانک اوستنده جلی قلمله عائد اولدینی آیک اسمنی یازارلردی .

وقتیه بوطوربالردن جمادی الاولی آینه مخصوص اولان بر عددینی ؛ هنوز ملازم بولونان فقیر ، لکن ذکی برکنج ناصیله اله کچیرمش و کوملک پادیروب کینمش . طوربانک اوستنده کی خالص بذر ایسی مرکب ؛ بر ، ایکی ییقامقله چقارشنی اولمادیفندن (جمادی الاول) عباره جلیه سی ؛ بی چاره ملازمک یکنندن ، یاقه سفندن صیریتیر ، طورور وشو حال ؛ قلم رفقه ساسی بیننده باعث تبسم اولورمش .

آز مدت ایچنده اوفقی کینج ؛ مراتب رفیه احراز ایدرک سراسره قابلی سمور کوزکر ایچنده کورومعه یه واسکی آرقه داشلرنجه نظر غبطه ایله کورولمه یه باشلامش . چکه مه مزملک سوقیه ایچلرندن بری .

— شیمدیکی حاله باقاییک . بز ؛ اونک جمادی الاولی ، یعنی جمادی الاول طورباسندن کوملک کیدیکی زمانی بیلیرز !

دییه رک فقر سابقه ایما ایتک ایسته مش . اوندن صوکر بوتعیرکده - پاشانک دیدیکی کبی - مقام ذمده استعمال شیوع بولمش .

طاهر المولوی

عالم اسلامده خاندان علم و معرفت [۱]

حقایق مسلمه دندرکه مسلمانلر دین مبین احمدی یه

[۱] غلطه سرای سلطانیسی و دارالشفقه عربی و علوم دینییه معلمی عارف و علوم ریاضیه معلملرندن محمد عزت بک افندیلرک بعض کزیده ارباب قلمله معاونتی ایله سکز اون سنه دئیری یازمقدمه بولندقلری (دائرة المعارف) دن اخذ و اقتباس اولمشدر . خبر آلدیغمزده کوره دائرة المعارفدن بالتلخیص الک معتنا بر لغت حالنده نشرینه تشبث ایدیلن اثرک درتده اوچ قسمی ختامپذیر اولمشدر .